

UGOVOR O JAVNOJ NABAVCI USLUGA

Zaključen dana 30.12.2019. godine u Sarajevu između:

KJP „Sarajevo-šume“ d.o.o. Sarajevo, ul. Maršala Tita 7/II (u daljem tekstu: **Ugovorni organ**),
koga zastupa Direktor Preduzeća **Joldo Amir, dipl. ecc.**

i

“MAHER” Društvo za proizvodnju, projektovanje, inženjering, trgovinu i propagandu d.o.o. Sarajevo, sa sjedištem u Sarajevu, ul. Muhameda ef. Pandže br.61, registrovano kod Općinskog suda u Sarajevu, Aktuelni izvod iz sudskog registra: 065-0-RegZ-18-006232 od 08.01.2019. godine; identifikacioni broj: 4200555370001; PDV broj: 200555370001 (u daljem tekstu: **Ponuđač**) koga zastupa **Talić Rašid, direktor.**

(u daljem tekstu : **Ugovorne strane**)

Član 1.

Predmet ovog Ugovora je javna nabavka usluga za potrebe Ugovornog organa u 2020. godini, i to:

- ***Ispitivanje, punjenje i održavanje PP aparata i ispitivanje hidrantske mreže***

a u svemu prema ponudi Ponuđača protokolisanom kod Ugovornog organa pod brojem: 0103-3759-4/19 od 20.12.2019. godine i Obrascu za cijenu ponude, koji je prilog ovog Ugovora i njegov sastavni dio.

Ukupna vrijednost usluga iz prethodnog stava iznosi **3.594,10 KM**, bez uključenog iznosa pripadajućih indirektnih poreza, odnosno PDV-a, koji plaća Ugovorni organ.

Član 2.

Ovaj Ugovor se zaključuje na osnovu Zapisnika o pregledu i ocjeni ponuda Stalne komisije za javne nabavke u postupku javne nabavke broj: 0103-3759/19 putem direktnog sporazuma, broj: 0103-3759-5/19 od 25.12.2019. godine i Odluke o javnoj nabavci usluga putem direktnog sporazuma, broj: 0103-3759-6/19 od 26.12.2019. godine.

Član 3.

Ponuđač se obavezuje da će Ugovornom organu izvršiti usluge navedene u članu 1. ovog Ugovora u roku od 5 (pet) dana od dana prijema narudžbenice, fcco direkcija Preduzeća, Šumska uprava Trnovo, Hadžići i Srednje, a u svemu prema ponudi Ponuđača protokolisanom kod Ugovornog organa pod brojem: 0103-3759-4/19 od 20.12.2019. godine.

Član 4.

Ugovorni organ se obavezuje da Ponuđaču za izvršene usluge iz člana 1. ovog Ugovora plati novčanu naknadu u skladu sa jediničnom cijenom usluga koja je dostavljena u Ponudi Ponuđača i to u roku od 30 (trideset) dana od dana urednog izvršenja i dostavljanja računa, uplatom na transakcijski račun, broj: 1610000003440019 otvoren kod Raiffeisen banke.

Član 5.

Ugovorne strane su saglasne da su jedinične cijene i ukupna vrijednost usluga iz člana 1. ovog Ugovora nepromjenjive u svemu prema ponudi Ponuđača, koja je protokolisanom kod Ugovornog organa pod brojem: 0103-3759-4/19 od 20.12.2019. godine.

Član 6.

Za realizaciju ovog Ugovora u ime Ugovornog organa zadužuje se Izvršni direktor Oblasti za šumarstvo.

Član 7.

Za praćenje realizacije ovog Ugovora u ime Ugovornog organa zadužuje se Služba za marketing i komercijalne poslove.

Član 8.

Ponuđač u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Ugovornog organa, najmanje 6 (šest) mjeseci po zaključenju Ugovora, odnosno od početka realizacije Ugovora.

Član 9.

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

Član 10.

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

Član 11.

Ovaj Ugovor stupa na snagu danom potpisivanja od strane obje Ugovorne strane i traje do 31.12.2020. godine.

Član 12.

Ovaj Ugovor je sačinjen u 7 (sedam) istovjetnih primjeraka od kojih 5 (pet) zadržava Ugovorni organ, a 2 (dva) primjerka Ponuđač za svoje potrebe.

Za Ponuđača

Talić Rašid



Za Ugovorni organ
Direktor

Joldo Amir, dipl. ecc.



Broj: 3619
Datum: 30.12.2019. godine

Broj: 0103-3759-7/19
Datum: 30.12.2019. godine